



Üna lavur fich detagliada. Las figüras «Nüsse - nuschs» da l'artist svizzer Peter Horber.

Id es gnü resgià, martellà e glimà

27avel Simposi internaziunal da sculpturas e sculptuors a Sur En

ANDRI NETZER/FMR

■ Dals 5 fin als 12 da gün 2021 ha gnü lö per la 27avla jada il simposi da sculpturas a Sur En da Sent. Sainesch artistas ed artists naziunals ed internaziunals han preschantà in sonda lur ouvras. A Sur En da Sent d'eira per ün'eivna travasch. I siglivan s-chalizzas, resgias a motor sbragivan, martelladas da metal sün metal d'eiran d'udir e maschinas da glimar derasaivan puolvra da marmel e lain i'l ajer. Dals 5 fin als 12 da gün 2021 han las sainesch artistas ed artists, chi derivaivan da differents lös dal muond, lavurà, sulets o in gruppas, vi da lur ouvras. Cul tema «futur» han els s-chaffi figüras ed ogets realistics o abstracts, fins e rusticals. In sonda passada han els preschantà lur lavurs i'l rom d'üna vernissascha. Ils preschaints han tschernü la megl'ouvrà. Guadagnà ha Helmut Tschiderer chi'd es oriund da Fuond (A) ed abita a Samignun. Sia sculptura «radler/in» simbolisescha l'equiliber tanter il vegl ed il nouv. Eir ils organisatuors da l'evenimaint, la società Art Engiadina, d'eiran cuntaints cun l'evenimaint. La 28avla ediziun es fingià in planisaziun.

Minch'on bleras annunzchas

«Fich bain», respuonda Wolfgang Bosshardt, vice-president da l'Art Engiadina, a la dumonda co cha'l simposi da quist on haja funcziunà. Ch'adonta da la pandemia haja l'evenimaint pudü gnir realisà sainza gronds problems. Unicamaing durant ils pasts e las sairas cumünai vils hajan las restricziuns stuvü gnir resguardadas. Preschaints sülla piazza da camping Sur En d'eiran artistas ed artists da



Helmut Tschiderer da Samignun ha guadagnà il premi dal public.

FOTOS ANDRI NETZER

differents naziunalitats. Da la Svizra, da l'Italia, da l'Austria, da la Germania, da la Türchia e perfin ün'artista da l'Argentina. «Nus vain minch'on var 60 annunzchas dad artistas ed artists chi vulesan gnir al simposi a Sur En», disch Robert Schreyer chi'd es illa supranza da l'Art Engiadina: «Els ans pon inoltrar lur lavurs ed ün gremi da quatter personas tscherna lura ils partecipants.» Ch'els invidan minch'on tanter 15 e 17 artistas ed

artists da tuot il muond per gnir a Sur En e realisar durant ün'eivna lur proget, uschè Robert Schreyer inavant.

Differents interpretaziuns

In sonda davomezdi s'haja pudü admirar las lavurs finidas. Mincha artista o artist ha interpretà il tema «futur» in seis agen möd. Figüras abstractas, uffants, crouslas da nuschs, sculpturas da plüs meters otezza e perfin ogets chi's movan tuot

tenor l'ümidità da l'ajer d'eiran expostas sün o dasper la piazza da camping. Las visitaduras e'ls visitaduors da la vernissascha han pudü tscherner our da las differents sculpturas lur favorit. Guadagnà il premi dal public, chi'd es dotà cun 500 francs, ha l'artist Helmut Tschiderer da Fuond in Austria. Daspö plüs ons viva e lavura el però a Compatsch in Samignun, ingio ch'el ha eir seis atelier. Per el d'eira ingon sia seguonda partecipaziun al simposi. El spera da pudair participar eir l'on chi vain: «Quist evenimaint es üna bella chosa. Normalmaing s'esa adüna sulet i'l atelier, quia as poja esser insembel cun glied cun istessas ideas ed as barattar.»

Impissamaint, skizza, model

«Cumanzà n'haja in dumengia passada culla lavur. Hoz a bunura n'haja pudü montar la sculptura sülla rouda», disch l'artist indigen. Sia sculptura da plüs meters otezza as nomna «radler/in». Sco cha l'artist declera simbolisescha ella l'equiliber tanter il preschaint ed il futur. Seis mezs da lavur d'eiran la resgia a motor e la maschina da glimar. «Al cumanzamaint es l'impissamaint, lura fetscha üna skizza e lura ün model», declera Helmut Tschiderer seis process da lavur da la planisaziun fin a la realisaziun finala. Ch'el lavura gugent cun blers differents materials sco lain, crap, betun o bruonz. «Vi dal material lain am fascinescha impustüt la savur e cha las vetras armoneschon cun mias fuormas. Implü es quai ün material chi'd es avantman pro nus», disch l'artist. Inspiraziun per sias ouvras ramassa Helmut Tschiderer impustüt our'illa natüra.

SAN MUREZZAN

SCHI a la revisiun parziela

(rtr/fmr) Las votantas e'ls votants da San Murezzan haun approvu cun üna magriteda da s-chars 85% la revisiun parziela da la planisaziun locala. Quella dess sirplificher als proprietaris da terrain da fbricher da nüzzer pü bain il terrain. L'novaziun permettan in bgers cas ün distanza pü pitschna invers las auas que chi'd es previs i'l plaun da zonas. La revisiun ho da succeder. Perque chi ho cun ün müdamaint da la ledscha federela, l'ho fat dabsogn d'üna revisiun.

SAMIGNUN

Approvà tuot ils progets da votaziun

(rtr/fmr) L'auto da pumpiers da Samignun survain üna s-chala girabla. Il suveran da Samignun ha approvà cun s-chars 63% da las vuschs ün credit co respundent da 500 000 francs. Plün vant han las votantas e'ls votants approvà cun 64% da las vuschs barats da terrain per sgürar la pista da l'Alp Trid Alp Bella fin giò Laret. Ed il suveran da Samignun ha approvà cun 67% da las vuschs la cunvegna da prestaziun cun Center da sandà Engiadina Bassa.

SAMEDAN



In sanda saira ho que ars in ün'abitaziun Samedan. Il dan s'amunta a püs 1000 francs.

FOTO POLIZIA CHANTUNE

Fö in abitaziun

(rtr/fmr) In üna chesa da persunel cun l'Ospidel d'Engiadina Ota ho que ars in sanda saira vers las 18.00. Scu cha la Polizia chantunela scriva hegian chantunela vis cha gniva füm our d'üna abitaziun e hegian alarmo ils pumpiers. Quels hau pudieu eviter cha'l fö as derasa. Cur clardaiva nu's rechattaiva üngün ill'abitaziun. Abitantas ed abitants da las otre abitaziuns sun gniesu evacuos cuortmaing, haun però pudieu turner sve darcho in lur abitaziuns. Il dan materi s'amunta tenor comunicaziun da la polizia a püs 10 000 francs.

MUSICA

«Or» da Snook

(cdm/fmr) «Gold», uschè as nomna la plü nova chanzun da Snook. Per quella ha el as laschà inspirar da Nevin Galmarin, champion olimpic da snowboard da l'olimpic 2018. Il frar da Nevin Galmarini til vaiv impromiss da drivir üna preziusa butiglia da whisky in cas ch'el guadagness la cuortsa als Gös olimpics dal 2014 a Sotschi. E han stuvü spettar quatter ulteriurs ons: D'olimpic 2018 tuornet a chasa snowboarder culla medaglia d'or. Nevin Galmarini e Snook han frequentà insembel il gimnasi a Ftan. Il text per quist chanzun ha scrit Snook, alias Gino Clavot da Tarasp, insembel cun seis colleg da rap Clarence. La producziun ha realisà cun Sonal Schönefeld, il qual ha gnü cun Kay One success in Germania. Ill'nova chanzun tematischa Snook l'olimpic sconfitta e'l cumbat. Uschè dvainta «K Silber - Numma Gold» ün'analogia pe

